



Youq ndaw ngoenznaengz raeuz gvaq saedceij, mbouj ndaej daj biujmienh vunz daeuj yawj sim vunz, bouxvunz simndei caeuq danaj gyaundeidei ciengzciengz dwg doxfanj.

Ngoenz haenx, gou caj cigunghgyauh seiz, boux daxheiz naj ndaemndat ndeu daj baihnaj gou byaij

Gienh Saeh Iq Ndeu Hawj Gou Roxriuj

一件小事给我的启示

贵港市覃塘区蒙公乡高占小学五(1)班 李嘉楠

gvaq, gou gamjdaengz de gig yakyawj, couh byaij liz de gyae di. Yaep ndeu, cigunghgyauh daeuj lo, boux daxheiz naj ndaemndat neix hix hwnj ci, gou yawjraen de hwnj ci, couh ndojdeuz de, daj doulaeng hwnj ci, doeklaeng ra mbouj ndaej dieгнаengh, cijndaej ndwn youq, hoeng henz boux daxheiz neix couh miz aen dieгнаengh he.

Henz ndang gou naengh boux daxheiz coz gyaundeidei ndeu, de byoemgyaeuj ndaemndat raezrang, naj cehgva, noh hausag, gou nyaenx mbouj ndaej lai yawj de geij mbat.

buenq loh, ci dingz roengzdaeuj lo, boux goenglauX ndeu hwnj ci, seizhaenx ndaw ci gaenq mbouj miz

dieгнаengh lo. Ci hai le, boux goenglauX neix ndwn youq baihnaj gou, cij raen de saemxsaemx saxsax, ndwn mbouj maenh. Gou yawjraen de gig dwgengz, couh doiq daxheiz gyaundeidei henz ndang gou gangj: “Daxheiz, mwngz nyienh dieгнаengh hawj goenglauX naengh ndaej lwi?” Gou liuh mbouj daengz, boux daxheiz neix daengxda yawj gou, swt cungj mbouj swt gou, gou gig nanzgvaq. Sawqmwh, gou dingqnyl daj baihnaj gou cienz daeuj sing ndeu: “GoenglauX, daeuj naengh aen dieгнаengh gou ba.” Gou ngienx gyaeuj yawj, cij yawjraen boux daxheiz naj ndaemndat haenx riunyumj naeuz.

Seizneix, gou cij gamjdaengz gij riunyumj neix, lumj dujva gyaundeidei nei youq gwnz naj boux daxheiz ndaemndat haenx hai dwk. Ai! Caen dwg rox naj mbouj rox sim ha! Gou caen mbouj wnggai baengh danaj ndei yak daeuj yawj vunz ha.

Gienh saeh iq neix gaenq gvaqbae haujlai nanz lo, gou lij geiq ndaej gig cingcuj. Youq ndaw ngoenznaengz gvaq saedceij, haujlai saehcingz ndaej daezsingj raeuz, hawj raeuz roxyiuj, raeuz yaek guh boux vunz simndei swnhsienh ndeu, gaej guh boux baihroeg ndei yawj, ndawsim yakyawj ndeu.

(指导老师:覃红梅)

Daujyouz Yizhozyenz

颐和园导游



贵港市覃塘区蒙公乡高占小学四(1) 李榕蓉

Gak boux hekyouz:

Daihgya ndei! Gou dwg daujyouz Lij Yungzyungz. Ngoenzneix gou daiq daihgya youz guek raeuz vwnzva yizcanj Yizhozyenz. Muengh daihgya ndeindei daeuj boiqhab gou. Bae youz seiz, cingj daihgya guh boux hekyouz vwnzmingz ndeu, baujhoh vwnzva yizcanj guek raeuz. Seizneix daihgya couh riengz gou byaij ba!

Raeuz byaij gvaq douhung Yizhozyenz, couh daeujdaengz lajroq mizmingz. Yawj! Lajroq donghsaeu caet loeg, diuzbaengh caet hoengz, raezrang muengh mbouj raen gyaеuj. Diuz lajroq neix miz 700 lai mij raez, faen baenz 273 gan. Moix gan bakgamx gwnz de cungj miz doz haj saek, veh miz bouxvunz, va' nywj, funghgingj, geij cien fuk dozveh mbouj miz saek fuk doxdoengz, hawj vunz yawj ndaej dava daraiz. Lajroq song mbiengj cungj ndaem rim gova gofaex, gij va hoengzhoengz

maeqmaeq, heiqla homfwd, yinx daeuj haujlai duzmbaj caeuq duzrwi, gapbaenz fuk dozveh gyaundeidei ndeu.

Byaij gvaq lajroq raez, couh daeujdaengz din Byavansousanh, cingj daihgya ngienx gyaeuj yawj, aen dapbauj betgakhingz samcaengz soengz youq gyang bya neix, daihgya caicai, haenx dwg gijmaz ne? Doiq lo, dwg fozyanghgwz. Baihlaj baenz baiz baenz baiz gunghden henjrwgrwg haenx, couhdwg baizyinzden.

Seizneix raeuz benz hwnj Byavansousanh, yawj coh baihlaj, gizneix gingjsaek engq hawj vunz simmaez lo. Buenq lai gingjsaek Yizhozyenz cungj yawj ndaej raen lo. Gofaex mwncup, gunghden henjgim ndongqmyam, lij miz Gunhmingzhuz caemdingh lumj aengingq, heusau lumj nyawhheu. Youq laj ndit ronghmyigmyig. Gunhmingzhuz song haenz hamq maj miz goliux geq mbouj ndaej liux, lumj dahsien youq henz huz roi gyaeuj cang ndang nei. Ndaw huz miz aen dauj he, gwnz dauj hix dwg gofaex heuswdsd. Yaek bae gwnz dauj guhcaemz, couh byaij gvaq giuzrin, aen giuz neix heuh cibcaet conghgiuz, giuzbaengh miz it bak lai diuz saeurin, gwnz saeu gaek miz saeceij, gij yienghceij saeceij mbouj miz saek duz doxdoengz.

Yizhozyenz dauqcawq miz gingjsaek gyaеu-ndei, gangj hix gangj mbouj caez, cingj daihgya gag sijsaeq bae youz yawj ba, banringz haj diemj cung youq douhung cizcungh. Doeklaeng hoh daihgya youz ndaej sim' angq!

(指导老师:韦江萍)

Miz aen mbanj iq ndeu youq ndaw luegbya, aenmbanj lumj suenva yienghneix gyaundeidei: Seizcin dujva haihoengh, seizhah gofaex heuyau, seizcou lwmak homfwd, seizdoeng vameiz hausag. Aensim vunzmbanj hix lumj suenva nei gyaundeidei.

Aen mbanj neix miz dax buz Bouxcuengh ndeu, singq Mauz. Mauz daxbuz gaenq 80 lai bi lo, de cijmiz dahlwg ndeu, hoeng, dahlwg youq Guengjdoeng guhhong haq vunz lo. Mauz daxbuz couh boux dog gvaq saedceij.

Ndaw mbanj miz ranz Bouxgun ndeu, bohmeX simsienh, miz dah lwg ndeu heuh Lanzlanz. Lanzlanz gig saundeidei, doiq da youh hung youh ndongq, vunz gig coengmingz dwggyaez. Daxmeh Lanzlanz ciengz-seiz daiq Lanzlanz bae yawj Mauz daxbuz, miz seiz bang dajsaeg, miz

Ndawbiengz Gag Miz Caencingz Youq

人间自有真情在

贵港市覃塘区蒙公乡高占小学四(2) 韦飞扬

seiz bang nyib buh, miz seiz lij daiq di ndei gwn bae hawj Mauz daxbuz. Daxmeh ciengzciengz doiq Lanzlanz naeuz: “Lanzlanz, Mauz daxbuz boux dog gag youq, gig godog, mwngz gaenq cib lai bi lo, baezlaeng ndaejhoengq couh lailai bae buenx Mauz daxbuz, bang de guh di hong mwngz guh ndaej daengz haenx.” Lanzlanz roxsoq dwk ngaekngaek gyaеuj.

Ngoenzneix dwg singhgiz roek, Lanzlanz bae ranz Mauz daxbuz, yawjraen denzdemh caeuq buhvaq

cuengq ndaw ndij caengz saeg, couh laeglemx aemq aen ndij, gaem aen buenx, bae henz dah dajsaeg lo.

Mbouj geij nanz, Mauz daxbuz dawz dwngx daj ndaw rug byaij okdaeuj, yawjraen denzdemh caeuq buhvaq saeg seuq dak ndei, gokda dumz lo, de menhmenh byaij gvaqbae, dawz Lanzlanz got haeuj rungj, daxbuz angq dwk naeuz: “Dah lwnyez simndei lai lo, mwngz caeuq daxmeh mwngz cungj dwg yienghneix bang gou, gou mbouj rox baenzlawz docih

mwngz ha!” Lanzlanz dingq le, lienz-muengz naeuz: “Mbouj yungh docih law! Gou dwg boux sausenhuiyenz, bang bouxlaux guh di saehcingz dwg wnggai.”

Neix caen dwg ndawbiengz gag miz caencingz youq ha! Muengh raeuz lumj Lanzlanz caeuq daxmeh de nei, lailai bae bang boux vunz yaek aeu raeuz bang haenx.

(指导老师:覃珍团)

